



Malik Berthelsen
Inatsisartuni ilaasortaq, Siumut
/ Maani

**§ 37 naapertorlugu apeqqummut nr. 2011-106-imut kiassaammik
uuliatortumik/kiassarnermut uuttuummik ikkussuinnermut tungasumut
akissuteqaat**

Asasara Malik Berthelsen

Apeqqtinnut qujanaq, taannalu imatut nipeqarpoq:

**Pisortat inissiaataanni peqatigiiffittut ingerlasuni, attartortumiit
piginnittunngornermi inatsisitigut pisortaniit aporfissaqartitaava nammineq
inissiap pigilikkap immikkut olietankilernissaa imaluunniit uuttuutilernissaa?**

Aallarniutigalugu kiassaammik uuliatortumik ikkussuinissap aamma kiassarnermut uuttuummik ikkussuinissap immikkoortinnissaat pingaaruteqarpoq. Taamaattumik kiassarnermut uuttuummik immikkoortumik ikkussinissamut apeqqut siulliullugu akissavara, tuliullugulu kiassaammik uuliatortumik ikkussinissaq akissuteqarfigissallugu.

Kiassarnermik atuinermut immikkut akiligassiiviusartumik uuttuusersuinissaq inatsisitigut akornutissartaqartinneqanngilaq. Aallaaviusoq killormoorpoq, tassalu kiassarnermik atuinermut immikkut akiligassiisarnerup annertusiartuinnartumik atugaanerata tungaanut ingerlavugut.

Inissianut attartortittakkanut tunngatillugu inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 29-mi allassimavoq, "Namminersornerullutik Oqartussat kommunillu ilaqutariinnut arlalinnut illuutai kingusinnerpaamik 2010-mi imermut uuttuusersorneqarsimassapput, taamaalilluni illuummi imermik nillertumik kissartumillu atuinermut tamakkiisumut aningaasartuutitut naatsorsukkat immikkut atuineq malillugu attartukkanut ataasiakkaanut agguanneqarsinnaassallutik, taamaattorli tak. imm. 2. [...]"

Aalajangersakkami tassani, taamaattorli imm. 2-mi ilaatitsiviusussaangitsunik arlalinnik imaqtumik, inissiani attartortittakkani immikkut ittumik akiligassiisarnerup ineriartortinneqarnissaata siuarsarneqarnissaa siunertarineqarpoq, taamaalilluni najugaqartut imermik kiassarnermillu atuinerminnik, tamatumunngalu atatillugu aningaasartuutiminnik eqqumaarinniffiginninnerat annertusarneqassammat.

Kisiannili Namminersorlutik Oqartussat kommunillu inissiaataasa attartortittakkat 1990-ikkunni siusinnerusumilu sanaajusut amerlanersaanni teknikkikkut, aningaasaqarnikkut aqutsinikkulu pissutsit peqqutaallutik kiassarnermut atuinermut immikkoortunik

17. maj 2011
Sagsnr. 2011-049695
Dok. Nr. 632183

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

uuttusersuinissaq ajornakusoortumik ingerlanneqarsinnaapput, imaluunniit ajornarsinnaallutik.

Tamatuma saniatigut illumi ataatsimoortumi, najugaqarfiusunik inissiartaqartumi kiassarnermik atuinnermut immikkut akiligassiiviusartunik uuttusersuinissaq aalajangiunneqassappat, tamatumani tamanna pillugu illuutillit peqatigiiffianni imaluunniit najugaqarfimmi isumaqatigiittoqarsinnaanersoq apeqqutaassaaq. Taamaattumik inissianik pigisaqartut ataasiakkaat namminneerlutik atuinnermut immikkut uuttusiinissaq siunertarlugu atortuni ataatsimoortuni allannguisinnaanngillat. Aamma taamatut aalajangiisoqassappat immikkut atukkat qanoq iliorluni naatsorsorneqassanersut, aammalu akiligassiisarnermi tunngavissat suut malinneqassanersut pillugu kiassarnermik pilersuisoq isumaqatigiissuteqarfigineqartariaqarpoq.

Najugaqartoq illumi, ataatsimut kiassarnermik pilersuiffiusumi kiassaammik uuliatortumik aammalu uuliamut tankimik ikkussinissamik kissaateqarpat pissutsit allaapput. Tassani inatsit naapertorlugu killilersuiffissanik aalajangersaasoqarsinnaavoq, imaluunniit kommunimi pilersaarutini aalajangersakkanik, najugaqartup taamaaliorinnaaneranut killiliisunik peqarsinnaavoq.

Assersuutigalugu nukimmik pilersuineq pillugu Inatsisartut peqqussutaanni nr. 14-imi, 1997-imeersumi § 15 naapertorlugu illut kiassaariaatsimut aalajangersimasumut atassuserneqarnissaasa toqqaannartumik peqqussutigineqarnissaanut Naalakkersuisut periarfissaqarput.

Aalajangersagaq inuiaqatigiit aningaasaqarnerinnaannik eqqarsaateqarnerup saniatigut, aamma nukissiuuteqarnerup pitsaasumik avatangiisinullu eqqortumik sunniuteqarnissaata qulakkeerneqarnissaanik siunertaqarfiuvoq. Najugaqartoq ataaseq imaluunniit najugaqartut ataatsimoortut kiassaateqarfimmit ataatsimoorussamit kiassarneqarnermut taarsiullugu, namminneerlutik uuliatortumik kiassaasersuinissaat eqqarsaatigineqassappat, tamatumani kiassaateqarfiup ataatsimoorussap ingerlanneqarnerani kiassaateqarfiup nukissiuuteqarnikkut naammassisinnaasai annikinnerulersinnaapput. Tamatuma saniatigut ungasianiit kiassaanerit arlallit innaallagissiornermi kissap sinneranik, eqqakkanik ikuallaavimmiit kissamik imaluunniit erngup nukinganik innaallagissiorfimmi pisinnaasat sinnerannik tunngaveqarput. Taamaattoqartillugu najugaqartup ataatsip kiassaammik uuliatortumik ikkussinissamut akuerineqarnerata kingunerisaanik kiassarneq avatangiisinut mingutsitsiviunerusoq aammalu gassinik silaannarmik kissatsitsisartunik aniatitsiviunerusoq pissarsiarissavarput.

Kiisalu ungasianiit kiassaanermi sanaartukkanut aningaasartuuterpassuit kingunerisaanik, aningaasaliissutaasut erniortissinnaaniarlugit tunisinissamut tunngavissat qularnaatsut pisariaqartinneqarput. Tamanna aamma naggataagut ungasianiit kiassarnermik atuisunut akit, atuisut ataasiakkaat ataatsimut kiassaanermit peerniarlutik aalajangiinerat pissutigalugu qaffannginnissaannut qulakkeereqataassaaq.

Aamma illumi kiassarnermik pilersorneqarneq kommunimi pilersaarummi imaluunniit sumiiffimmut pilersaarummi aalajangersakkamut ilaatinneqarsinnaavoq. Assersuutigalugu illu ungasianiit kiassaateqarfimmut aalajangersimasumut

attavilerneqarsimassasoq aalajangerneqarsimasinnaavoq, taamaalillunilu namminerisamik qitiusumik kiassaateqarfimmut, namminerisaminik uuliamut tankilimmut nuussinaneq periarfissaqartinneqarsinnaanngilaq.

Inatsisit naapertorlugit killilersuutaasut aalajangersarneqarsimasinnaasut imaluunniit pisussaaffiliunneqarsimasinnaasut amerlasuutigut aamma teknikkikkut aningaasaqarnikkullu akornusersimaneqarsinnaapput, taamaattumillu inissiarsuarni namminerisamik uuliatortumik kiassaasernissaq pilerinarunnaarsinnaalluni.

Taamaattumik illuni ungasianiit kiassaateqarfimmit imaluunniit qitiusumik kiassaateqarfimmit ataatsimoorussamit kiassarneqartuni inissiani ataasiakkaani namminerisamik uuliamut tankilernissaq (aammalu namminerisamik qitiusumik kiassaateqarfiliornissaq) teknikki/aningaasaqarneq eqqarsaatigalugu pivusorpalaanngilaq. Taamaaliortoqassappat illut kiassarnermut atortui pioreersut annertoorsuarmik allanngortinneqartariaqassapput.

Naggasiutigalugu ilisimatitsissutigisinnaavara, illuutitut akitiaatileqatigiiffiup Illuut A/S-ip ataani illuliani nutaani illunilu pioreersuni iluarsaassinerni tamani innaallagissamut, imermut kiassarnermullu uuttuutinik immikkoortunik ikkussuinissaq piumasarineqarmat.

Neriuppunga akissuteqaat naammaginartutut isumaqarfigissagit.

Inussiarnersumik inuulluaqqusillunga

Jens B. Frederiksen